



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Septem Illustrium Virorum Poemata**

**Amstelodami, 1672**

Ad Hortensium Maurum, Serenissimi Principis Georgii Wilhelmi, Ducis  
Brunsvicensis ac Lunaeburgensis, Familiarem. Ode.

**urn:nbn:de:hbz:466:1-11215**

JOANNIS ROTGERI TORCKII. 339

Vidit invicto generosorem  
Regulo, & Paulis, animæ tenellæ  
Prodigam infantem DEUS, & sereno  
Ore renidens,  
Siste ferventes, animosa virgo,  
Impetus, dixit: mea te pharetra  
Dulcibus telis gravis, incruento  
Fine beabit.

A D

HORTENSIUM MAURUM,

*SERENISSIMI PRINCIPIS*

GEORGII WILHELMI,

*Ducis Brunsvicensis ac Lunæburgensis,  
Familiarem.*

O D E.

NE salebrosos tibi sit labori  
Maure venando peragrarè saltus,  
Et per abstrusos nemorum recessus,  
Præpete cursu  
Consequi cervos, pavidasque damas,  
Et sues ore ignivomo timendos;  
Gestit hibernos ita noster Heros  
Condere soles,  
Imbrium, & canæ patiens pruinae,  
Et vagos Cauri glaciantis amnes,  
Dum laborantes nivium pererrat  
Pondere silvas.

Y 2

Dul-



Dulcis excelso est animo canum vis,  
Dulce latratu resonare montes,  
Dulce fetosum furialis apri  
Figere pectus.

Sanguinis clari generosus ardor  
Æstuat venis, & amat periculum:  
Inclyta aprugno cecidere dente  
Fulmina belli.

Testis est Thracum domitor Serinus  
Tot cruentatus rapidis Scytharum  
Cædibus, diro à sue qui peremptus  
Occubat umbris.

Maximum nobis foror alma Phœbi  
Principem serua, tege tu ruentis  
In feras carum latus, impetusque  
Siste feroces

Mentis augustæ; Pylis ut annos  
Patriæ vivat Pater, ac triumphet,  
Vive tu nostræ memor & Camœnæ  
Maure, valeque.